



Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCCX. ad annum MLXXIII.

Parisiis, 1644

Epistola II. Nicolai Papae II. Ad Gervasivm Rhemensem Archiepiscopvm.
Iubet Beluacensem episcopum simoniace promotum cum Siluanectensi
eiusdem criminis conscio ab officio suspendi.

urn:nbn:de:hbz:466:1-15625

dia putant se apostolicam censuram euadere, caueatque
sacris Canonibus, imo beato Petro, resistere, nosque, qui
eum sicut pupillam volumus amare oculi, contra se mo-
uere. Satis enim mirari potest, si pro aliquo stulto, sicut
est, quem voluit ordinari Matisconensis episcopus, vult
Dominum & sanctum Petrum offendere, vestram carita-
tem atque sinceram dilectionem circa se parui pendere.
An putat aliquis membrorum antichristi, quod plus non
possit ei prodeesse gratia beati Petri, quam omnium im-
piorum perfida fidelitas? Agat itaque gloriosus rex, ut li-
bet, contra nos quamvis: pro illo eiusque exercitu Deum
semper precari parati sumus. De duce vero Godefrido ne-
mo vos terreat, cum fuerit opus vos venire Romam: quia
non tantum vobis impedimentum non faciet, sed etiam
fideliter seruitum impendet. Salutant vos, carissimi fra-
tres, nostri cardinales episcopi, nec non humilitas carissi-
mi filii nostri Hildebrandi.

E P I S T O L A II.

N I C O L A I P A P A E I I.

AD GERVASIVM RHEMENSEM ARCHIEPISCOPVM.

Iubet Beluacensem episcopum simoniace promotum cum
Siluanevensi eiusdem criminis conscio
ab officio suspendi.

*Nicolaus episcopus seruus seruorum Dei Geruasio venerabili
archiepiscopo Rhemensi salutem & apostolicam
benedictionem.*

AV DIVIMVS relatione multorum, quod Beluacensis
episcopus contra statuta Canonum sine vobis, & sine
vestro assensu fuerit consecratus, imo execratus, &c, quod
peius est, ad episcopatum sublimatus. Accingimini igitur,
& fultus hac nostra auctoritate ex parte omnipotentis
Dei, auctoritate beati apostoli Petri, omne episcopale of-
ficium sibi, vsquedum ad Romanam Synodus in tertia
septimana post pascha ante nos discutiendus veniat, in-
terdicite. Si autem in aperto res est, quod pecuniam dede-
rit, omnibus Beluacensibus clericis ac laicis, ut sibi ante
prædictum nostrum iudicium non obediant, sub excom-
municatione prædicti apostoli Petri auctoritate interdi-

D d d i i

cite. Non enim ob hoc promotus est, vt sit episcopus, vt beatus Gregorius dicit, sed vt fiat lupus, & sanctæ ecclesiæ inuasor, & detestandus hæreticus. Siluane&tensi enim vestro suffraganeo episcopo, si eum pecuniam dedisse præscivit, & vestrum assensum in maledictionis herede benedicendo non habuit, similiter omne episcopale officium, vsquedum ad prædictam Synodum veniat, & nobis & tibi digne satisfaciat, beati apostoli Petri auctoritate interdicite.

EPISTOLA III.
NICOLAI PAPÆ II.
AD EVMDEM.

Monet vt ob damna personis & rebus Virdunensis ecclesiæ illata eidem debite satisfaciat.

Nicolaus episcopus seruus seruorum Dei Geruasio Rhemensis ecclesiæ archiepiscopo salutem & apostolicam benedictionem.

QVONIAM nobis commissum est, & auctoritate beati Petri traditum, supra quem fundamentum vniuersalis ecclesiæ solidatum est, quatenus & errata corrigamus, & membra nostro capiti cohærentia, ne dissonent, studeamus, tibi, vtpote velut de nostris & sanctæ Romanæ ecclesiæ membris, paterne intimando præcipimus, quatenus per te, quem in gremio matris tuæ, vniuersalis videlicet ecclesiæ, conclusum esse speramus; ne Virdunensi ecclesiæ quæ nobis commissa est cum fratribus, quidquam iniuriæ tam per te, quam per tuos inferre amodo patiaris. Quod autem contra eiusdem ecclesiæ fratres nunc nouiter & tu & tui damni & iniuriæ intulisti, communiter & sanctæ ecclesiæ Romanæ causa, & nostri amore emendare te, omni occasione remota, admonendo iubemus, hoc est prædam de Postuiler, quæ potestati tuæ contigit, & de Mecla, quam Engobrandus deprædatus est, prædæ, cuius numerus infra scriptus est, ducenta sexaginta quatuor animalia, clericos autem de eadem ecclesia canonicos, nulla interueniente mora, recludi a capture præcipias, vt pro hac & prædictis rebus studiose peractis, & gratiam apostolorum principis & nostram habere promerearis.